



Broj: UP-13-15-9/10

Datum: 30.12.2010.godine

Komisija za papire od vrijednosti Brčko distrikta BiH, rješavajući po zahtjevu emitenta „NOVI BIMEKS“ d.d za preradu plastike, mesa i konditorskih proizvoda Brčko, Industrijska zona broj 2 u predmetu odobrenja emisije dionica zatvorenom ponudom, na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04 i 28/07) i člana 62. Pravilnika o uslovima i postupku emisije papira od vrijednosti ("Službeni glasnik Brčko distrikta BiH" broj: 3/08 i 34/08) na svojoj 10 (desetoj) sjednici održanoj dana 30.12.2010. godine,
donijela je

R j e š e n j e

***o odobrenju emisije dionica zatvorenom ponudom
emitentu «NOVI BIMEKS» d.d. Brčko***

1. Odobrava se II (druga) emisija dionica zatvorenom ponudom ulozima u stvarima emitentu Dioničko društvo za preradu plastike, mesa i konditorskih proizvoda „NOVI BIMEKS“ Brčko, Industrijska zona broj 2 i potvrđuje da je emitent postupio u skladu sa odredbama Zakona o papirima od vrijednosti i Pravilnikom o uslovima i postupku emisije papira od vrijednosti.
2. Dioničko društvo za preradu plastike, mesa i konditorskih proizvoda „NOVI BIMEKS“ Brčko na osnovu odluke o povećanju osnovnog kapitala broj: 181/10 od 08.05.2010. godine emituje novih 1.000.000 običnih dionica, nominalne vrijednosti 10,00 KM po jednoj dionici II (drugom) emisijom dionica zatvorenom ponudom ulozima u stvarima.
3. Skraćeni prospekt II (druge) emisije dionica zatvorenom ponudom ulozima u stvarima emitenta Dioničko društvo za preradu plastike, mesa i konditorskih proizvoda „NOVI BIMEKS“ Brčko sadrži sve elemente utvrđene Zakonom o papirima od vrijednosti i Pravilnikom o uslovima i postupku emisije papira od vrijednosti
4. Ovo rješenje je konačno.

O b r a z l o ž e n j e

Dana 02.06.2010. godine emitent „NOVI BIMEKS“ d.d. Brčko podnio je zahtjev za odobrenjem nove II (druge) emisije dionica zatvorenom ponudom ulozima u stvarima. Uz zahtjev su priloženi: obrazac ZHOV-ZP, Odluka o emisiji broj: 181/10 od 08.05.2010. godine, zapisnik sa sjednice Skupštine dioničara od 08.05.2010. godine na kojoj je donesena Odluka o emisiji, prijedlog skraćenog prospekta, izvještaj ovlaštenog procjenitelja ekonomske struke, dokaz o vlasništvu nad stvarima i pravima- računi, finansijski izvještaj za prethodnu - 2009. godinu, dokaz o identitetu unaprijed poznatog kupca, amandmane na statut i izmjenu i dopunu statuta, ugovor o obavljanju poslova

Depozitara u postupku emisije papira od vrijednosti broj:42-01/10 od 18.05.2010. godine sa Uni credit Bank, Banja Luka, izvještaj ovlaštenog revizora „ REVISIO“ d.o.o. Bijeljina, potvrdu Komercijalne banke a.d. Banja Luka, Filijala Brčko broj:363/2010 od 17.05.2010.godine; potvrdu broj: 3-503/10 od 17.05.2010. godine od Uni credit Bank, Banja Luka; potvrdu broj 122/10 od 17.05.2010. godine od „Intesa sanpaolo banka“ za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva i dokaz o uplati propisane naknade Komisiji.

Na sjednicama Komisije održanim 26.08.2010. godine i 06.12.2010. godine, zaključcima shodno članu 17. Zakona o papirima od vrijednosti i članu 13. Pravilnika o uslovima i postupku emisije papira od vrijednosti je zahtijevana dostava dodatne dokumentacije i usklađivanje dostavljenih dokumenata s odredbama navedenih pravnih propisa kako bi se moglo odlučiti o zahtjevu emitenta.

Postupajući po zaključku Komisije od 26.08.2010. godine emitent je 13.09.2010. godine dostavio sljedeće dokumente: izvještaj procjenitelja mašinske struke o procjeni uloga u stvarima od strane „MI-GALAMES“ DOO Beograd; ugovor o prodaji nepokretnosti, sačinjen od strane notara i založnu izjavu; izvještaje o reviziji finansijskih izvještaja za 2006., 2007. i 2008. godinu; finansijski izvještaj za 2009 godinu za „NOVI BIMEKS“ DD Brčko ovjeren i potpisan od strane direktora; sporazum o realizaciji ugovorenih usluga sačinjen 01.07.2007. godine i potpisan od strane ovlaštenih osoba; ovjerenu fotokopiju računa 53/05,69/08-1 i 69/08-2 sa specifikacijom uvezene opreme i carinske deklaracije.

Postupajući po zaključku Komisije od 06.12.2010. godine emitent je 13.12.2010. godine dostavio sljedeće dokumente: pregled usklađenih računa sa specifikacijom i tabelarnim pregledom stalnog sudskog vještaka; ovjerenu kopiju Sporazuma o ustupanju mašina za preradu plastičnih masa, zaključenog 01.06.2005. godine; izmjene i dopune Odluke o povećanju osnovnog kapitala emitovanjem novih dionica zatvorenom ponudom ulogom u stvarima kojom su otklonjene greške vezane za broj emisije, greške u permutaciji brojeva u vezi broja dionica i greške vezane za način uplate i procenat uspješnosti emisije; izmjene i dopune amandmana na Statut sačinjen od strane notara kojim su ispravljene greške u permutaciji brojeva vezanih za broj dionica; izmjenu skraćenog prospekta kojim su izvršene ispravke broja emisije i naziva ugovornih strana; ispravku revizorskog izvještaja o izvršenoj reviziji povećanja osnovnog kapitala vezanih za pojašnjenje i usklađivanje nalaza na strani 32 i 33 ovog izvještaja, kojim su usklađeni podaci u tabeli na strani 32 i opisni dio na strani 33 izvještaja s potpisom ovlaštenog revizora; izvještaje o reviziji finansijskih izvještaja za 2006. 2007, 2008. i 2009. godinu potpisane i ovjerene od strane ovlaštenog lica.

Na sjednici Komisije održanoj 30.12.2010. godine zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente propisane članom 13. Zakona o papirima od vrijednosti i članovima 65.-73. Pravilnika o uslovima i postupku emisije papira od vrijednosti.

Obzirom da je Odluka o povećanju osnovnog kapitala emitovanjem dionica zatvorenom ponudom ulogom u stvarima donesena na skupštini društva održanoj dana 08.05.2010. godine Komisija je konstatovala da je zahtjev za odobrenjem nove II (druge) emisije dionica zatvorenom ponudom ulozima u stvarima podnesen po isteku propisanog roka od 15 dana, a Komisija je meritorno odlučila i po takvom zahtjevu obzirom da, po ocjeni Komisije, stanje spisa, bez obzira na rok, ne bi dovelo do drugačije odluke.

Na osnovu podnešenog Zahtjeva i priloženih akata, dokumenata i isprava Komisija je utvrdila da je emitent postupio u skladu s članovima 9.-14. i članom 16. Zakona o papirima od vrijednosti i odredbama glave III i IV Pravilnika o uslovima i postupku emisije papira od vrijednosti, članom 62. stav (1) i stav (4) Pravilnika o uslovima i postupku emisije papira od vrijednost, čime su se stekli uslovi da Komisija odobri emisiju.

Na osnovu navedenog odlučeno je kao u dispozitivu rješenja.

Pouka o pravnom lijeku:

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

1. "NOVI BIMEKS" d.d. Brčko,
2. Evidenciji,
3. Arhivi

Predsjednik
Komisije za papire od vrijednosti
Brčko distrikta BiH

Mirsad Bešlagić